

**ADIERAZPEN INSTITUZIONALA, ETAREN ATENTATUAREN  
AURREAN**

2007ko urtarrilaren 5a

**HAU EZ DA BIDEA, UTZI BAKEAN EUSKAL HERRIA**

2006.urtea, Herri honen historiarako urtea izan behar zuenak, guztiok espero ez genuen ezustekoa ekarri digun honetan, UDALBILTZA<sup>®</sup> kideek bakearen aldeko bidea egingo dugu. Bakearen une kritiko honek ez du aldatuko erakundeak bakegintzaz eta normalizazio politikoaz duen jarrera.

Horrela, **egoera larri honen aurrean bake lorpenean aurrera egitekoa**, euskal gizartearen eta bere hautetsien bakearekiko konpromisoa eta indarkeriaren aurkako jarrera sendoa azpimarratu nahi dugu.

UDALBILTZA<sup>®</sup> kideok, gaur inoiz baino ozenago printzipio hauek aldarrikatu nahi ditugu:

1.- ERABAKITZEKO ESKUBIDEA. BURUJABETASUNA. Udalbiltza kideok, gure ordezkari gisa nahi duen guztiaren gainetik, euskaldunen erabakitze eskubidea defendatzen dugu.

2.- DEMOKRAZIA. Euskal Herriaren hitza errespetatzeak bere ordezkari politikoaren hitza eta erabakia errespetatzea suposatzen du, bere borondatea honen gainetik jarri nahi duen guztiaren aurrean.

3.- GIZA ESKUBIDEEN ERRESPETUA. Gure herriarentzat eskubide demokratikoak defendatzeak pertsona guztien gizabanako eskubideak errespetatzea du bere oinarrian. Horregatik giza eskubideei errespeturik ez dion orori, kasu ETari, zera eskatzen diogu: utzi diezaiola Euskal Herriaren izena erabiltzeari, gu, udal mailako euskal hautetsiek, ez baitugu onartzen euskaldunen izenean egindako giza eskubide urraketarik.

Euskal Herriko hitza eta borondatea ordezkatzeko dugunak Euskal Herriko hautetsiak garenez, gure adin nagusitasunetik, euskal gizarte eta politika eragile guztiei, printzipio hauek elkarrekin aldarrika ditzagun eskatu nahi diegu.

Gizarteko eragile guztiok batera ETARI ausardiaz esan diezaiogun: HAU EZ DA BIDEA, UTZI BAKEAN EUSKAL HERRIA.

**Julian Eizmendi Zinkunegi**  
UDALBILTZA<sup>®</sup> ko Zuzendaritza Batzordeko Lehendakaria

Iruñea, 2007ko urtarrilaren 5a

## **GURE ERAKUNDEEN ALDE**

**2007ko urtarrilaren 25ean**

Lehendakariari Batasunako buruzagiekin elkartzeagatik ireki dioten zigor auzia dela-eta, UDALBILTZAK, Euskal Herriko udal hautetsien biltzarrak, ondorengo hau adierazi nahi du:

1. Elkar hizketa dela pakea eta normalizazio politikoa lortzeko tresna demokratiko oinarri-oinarrizkoena.
2. Lehendakaria, Euskadiren ordezkari instituzional gorena, elkar hizketan aritzeagatik auziperatzea, botere judiziala politika demokratikoaren arloan behar ez bezala eta larriki sartzea dela eta lehendakariaren ihardun politikoa kriminalizatzea, ihardun horretarako izan denean demokratikoki aukeratua.

Alegia, eraso bat da gatazkak konpontzeko biderik demokratikoenaren aurka, hau da, elkarrekin hitz egitearen aurka; gure erakundeei egiten zaion eraso larria eta, azken batean, euskal gizarte osoaren aurkako eraso.

3. Gure laguntza eta bultzadarik tinkoena Lehendakariari, bide batez eskatuz itxiztat eman dadila hark ordezkatzeko duen hiritargoaren aurka irekia dagoen zigor auzia.

Horregatik guztiagatik dei egin nahi diegu Euskal Herriko udal hautetsi guztiei eta, oro har, euskal herritar guztiei datorren astelehenean, hilak 29, Bilbon "Gure erakundeen alde" izenpean egingo den manifestaziora eta, era berean,

esku hartu dezatela helburu berarekin antolatuko diren ekimen guztietan, hala sinadura bilketak nola mozioak aurkeztea hainbat arlotako Erakundeetan.

Azpeitian, 2007ko urtarrilaren 25ean

UDALBILTZA<sup>®</sup> ko Lehendakaria  
**Julian Eizmendi Zinkunegi**

UDALBILTZA<sup>®</sup> ko Lehendakariordea  
**Jesus M<sup>a</sup> Agirrezabalaga**

## **ADIERAZPEN INSTITUZIONALA, SU ETENAREN HAUSTURAREN AURREAN**

2007ko ekainaren 5a

### **ATZERAPASUA**

ETAk su etena hautsi izanak, berriro iragan ilunera eramaten gaitu. Beldurra eta mehatxuaren iraganera; demokrazia, bakea eta normalkuntza ezera. Euskaldun oro ezintasun eta etsipenean murgilduak uzten gaitu.

Egoera honetan inoiz baino ozenago esan behar dugu herri honek bere etorkizuna bakean eta askatasunean erabakitzeko eskubidea duela eta eskubide hau gauzatzeko ETA dela oztoporik nagusia.

Su-etenaren hausturaren ondorio nagusiak hauek dira:

1. Batasunak Anoetan planteatutako ibilbidearen amaiera, bide politikoen bukaera.
2. ETAk horrela erabakita, bake prozesuaren amaiera eta indarkeriaren, beldurraren itzulera.

Testuinguru honetan, Euskal Herriaren bakea eta erabakitzeko eskubidea defendatzen ditu Udalbiltza<sup>®</sup>k eta horiexek defendatuko ditu iraganean bezala etorkizunean ere. Gizarte honek duen erabakitzeko eskubidea bakean, demokrazian eta askatasunean gara dezagun Udalbiltza<sup>®</sup>ko hautetsiek lan egiten jarraituko dugu.

ETA berriz ere euskal gizartearen aurka joan da aurrez aurre, indarkeriari bai eta bake prozesuari ez esatea suposatzen duen erabakiarekin. Honez gain euskaldunok eman ez diogun eta erabat ukatzen diogun euskal gizartearen ordezkari hartzen du beregain.

Beraz, ETAk ez bezala, Udalbiltza<sup>®</sup>ko hautetsiok aterabideak honako printzipioetan oinarritu behar duela uzte dugu: indarkeriaren amaieran, ETArekin behin betiko desagerpenean eta eragile politikoen arteko elkarrizketetan oinarritutako adostasunean.

Guk bide honi jarraituko diogu.

**Julian Eizmendi Zinkunegi**  
**Udalbiltza<sup>®</sup>ko lehendakaria**

**ADIERAZPEN INSTITUZIONALA, DURANGOKO  
ATENTATUAREN AURREAN**

2007ko abuztuaren 24a

**EUSKAL GIZARTETIK KANPO**

Gaur, 2007ko abuztuaren 24a, inoiz baino ozenago herri honek bere etorkizuna bakean eta askatasunean erabakitzeko duen eskubidea aldarrikatzen dugu. Baina bide honetan, egun ere Durango erakutsi duen moduan, ETA da oztopo nagusia.

Gaur, Udalbiltza<sup>®</sup>tik honakoa adierazi eta aldarrikatzen dugu:

3. Gure elkartasuna zauritutako eta kaltetutako pertsonekin.
4. Elkarrizketa, konponbidea eta erreferenduma dira normalkuntza politikoa lortzeko bideak, bide horretan aurrera egiteko oztopo nagusia ETA izanik.
5. Beste behin ere, alderdi eta indar politiko guztiok, eta gizarteak orokorrean, ETAr armak eta biolentzia betirako uzteko eskatzen diogu.

ETA berriz ere euskal gizartearen aurka joan da aurrez aurre, indarkeriari bai eta normalkuntza politikoari ez esatea suposatzen duen erabakiarekin. Euskal Herriaren bakea eta erabakitzeko eskubidea defendatzen ditu Udalbiltza<sup>®</sup>k eta horiek defendatu ditu iraganean eta defendatuko ditu beti. Euskal gizarteak erabakitzeko eskubidea baitu bakean, demokrazian eta askatasunean.

Euskal gizartearen eta bere hautetsien bakearekiko konpromisoa eta indarkeriaren aurkako jarrera sendoa azpimarratzen ditugu.

Julian Eizmendi Zinkunegi  
UDALBILTZA<sup>®</sup> ko Lehendakaria

Iruña, 2007ko abuztuaren 24a

**ADIERAZPEN INSTITUZIONALA, ESPAINIAKO AUZITEGI NAZIONALEKO FISKALAK EZKER ABERTZALEKO UDAL HAUTETSIEN BATZORDEKO AUZIPERATUEI EZARRI NAHI DIEN KARTZELARATZEKO ERABAKIAREN AURREAN.**

2007ko irailaren 14a

## ASKATASUNA MUGATZEN

Espainiako Auzitegi Nazionaleko fiskalak Ezker Abertzaleko Udal Hautetsien Batzordeko auziperatuei ezarri nahi dien kartzelaratzeko erabakiaren aurrean.

UDALBILTZAK<sup>®</sup> berriz ere, aldarrikatzen dugu irmotasunez ideien askatasuna, aniztasun politikoaren eraso eta egitasmo politikoaren defentsa eta hedapenei murrizketaren kontra gaudela, betiere demokraziaz eta inposaketarik gabe egiten badira.

Herri honek biziki nahi duen normalkuntza politikoa elkarrizketaren bidez, negoziazioaz eta desberdinen arteko akordioaren eskutik ailegatuko da. Testuinguru honetan, jazarpen politikoak oztopo bihurtzen dira, baita giza eskubideen urraketa oro eta bortizkeriaren iraunkortasuna ere.

Bukatzeko, bakearekiko eta normalkuntza politikoaren aldeko konpromiso irmoa azpimarratzen dugu berriz.

Julian Eizmendi Zinkunegi  
UDALBILTZA<sup>®</sup> ko Lehendakaria

Euskal Herria, 2007ko irailaren 14a

## **ADIERAZPEN INSTITUZIONALA, BILBOKO ATENTATUAREN AURREAN**

2007ko urriaren 9a

### **ONARTEZINA**

Onartezina da ETAk gaur Bilbon egin duen atentatua. Ekintza bortitz honekin aspaldidanik herri honek pairatzen duen bideari ekin dio berriz ere erakunde armatuak.

Atentatua ozenki salatzeaz gain, UDALBILTZA<sup>®</sup>tik larriki zauritutako Gabriel Ginés bizkartzainari, honen familiari eta Galdakaoko Juan Carlos Domingo PSE-ko zinegotziari elkartasun osoa erakusten diogu.

Euskal Herriaren normalkuntza politikoa elkarrizketaren bidez, negoziazioaz eta sentsibilitate desberdinen arteko akordioaren eskutik iritsiko da. Atxiloketek eta biolentzia mota guztiek, giza eskubideen urraketa eta bortizkeriaren iraunkortasuna bermatu besterik ez dute egiten.

UDALBILTZA<sup>®</sup>tik elkarrizketa oinarri duen eta indarkeriarik gabeko normalkuntza politikoaren aldeko konpromiso irmoa azpimarratzen dugu berriz ere.

Julian Eizmendi Zinkunegi  
UDALBILTZA<sup>®</sup> ko Lehendakaria

Euskal Herria, 2007ko urriaren 9a

